

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

**Naalakkersuisunut apeqquut:**

1. **Nunaqavissut ujarassiornermik inuussutissarsiuteqarniarlutik soqutiginnittut aallartinnissamut sunik periarfissaqarpat?**
2. **Ujarassiornissamik aallartitsinissamut suut piunasaqaataappat?**
3. **Ujaqqanik pinnersaatissanik nunatsinni nunattalu avataani tuniniaasinnaanermut qanoq periarfissaqarpat?**
4. **Ujaqqanik pinnersaatissanik nunatta avataanut niueruteqassagaanni suut piunasaqaataappat?**
5. **Suliffeqarfiit nunatsinneersut ujarassiornermi aatsitassarsiornermilu peqataatinneqarnerulernissaannut Naalakkersuisut suliniuteqarpat ?**
6. **Suliniuteqartoqarsimappat suut suliniutigineqarpat?**

(Inatsisartunut Ilaasortaq Anthon Frederiksen, Partii Naleraq)

**Tungavilersuut:**

Qularnanngilaq aatsitassarsiorneq ujassiornerlu siunissami nunatsinnut maanilu najungaqartunut inuussutissarsiutigissallugu soqutiginarsiartuinnartussaavoq aammami soqutiginnerup annertusiartornera qujanartumik malunnarsiarporpoq.

Kisianni aamma paasinarpoq, inuit taamatut soqutiginnittut apeqquutinik paaserusutaminnik pissarserusukkaluarlutik ingerlatitseqqinngitsoortartut arlaqarsinnaasut imaluunniit sumut paasiniaanissaminik nalornisoqartartoq.

Taamaattumik apeqquutit qulaani taaneqartut Partii Naleqqamiit saqqummiuppavut.

Ullut suliffiit qulit qaangiutinnginerini akineqarnissara kissaatingaara.